

Moritz, 15j.



suechet es nöiies Daheime mit Freigang

Liebi Tierfründe

Lueget einisch, bin ig nit e ganz en stattliche Chatr? En «waschächte» Tigr! Ig bi dr Moritz u uf dr Suechi nach eme nöie Daheime. Warum? I mineri Familie ändert sich so grad e Hufte u sy wärde züggle, wiiters weg u chönne mi nid mitnäh. Itze suech ig wiedr es Daheime bi genauso liebi Lüüt, wie ig's grad ha. Drum!

Ig bi fascht 15jährig, kaschtriert, gimpft, chippet u entwurmt, schäckhäftpflägt, wie mer so seit. Ig bi gsung u schtuberein, ganz lieb, aahänglech u sähr verschmuest. E nöigiirige, gar nit schüeche Troumchatr. Ig war scho immr Freigänger u wott das ou bliibe. Dusse nach em Rächte luege, bi die Nachbare u bi die Nachbare vo die Nachbare ... Ig geh nid wiit, ig schtröine nid, verschproche. Ig chomm immr wiedr heime zu Dir, häng doch so a mim Mönsch. Den wott ig nid verliere. Abr ebe: Freigang durchs Törli düre, das bruuch ig scho. Was ig dagäge nid bruuch, das sy chliini Ching (grösseri so ab 12i sy cheis Problem), u Hung u Chatz im glieche Huushaut. Ig würd mi gärn aus Alleiprinz vo Dir lah verwöhne.

Ig sueche liebi Chatzefründe, die wo zu mir luege u mi uf Läbänsziit wönnt verwöhne. Bisch Du ou e Senior u pensioniert u bisch Du viu daheime? U hesch viu Ziit? Ziit für mi? Wohnsch Du verchehrsarm mit Grün umme u liebi chatzefründlechi Nachbare? U hesch Du es Chatzetörli? Damit ig inne u usse chah, so wie ig das wott. Odr wiusch Du immr Türliöffnr schpiue? Tag u Nacht? Ebe drum, sag ig doch, Törli muess sy. Chönntisch Du mir so öppis biete u suechsch Du en ganz en liebr Chatzekumpl zum Liebhabere? Ja? Denn wär das öppis, denn müesset mir üs unbedingt lehre chenne. Chumm mi doch einisch bsueche, zum Beschnuppere. Ig wohn im Moment no z'Thun/BE, züggle aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich mir agno u suecht für mi das nöie Plätzli. Ig fröie mi ganz fescht uf Di !

Din Moritz



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20)

kontakt@katze-sucht-mensch.ch